

重刊道藏輯要

參同契

魏伯陽真人著

雲陽道人朱元育闡幽

參同契者東漢魏真人伯陽所作蓋以易道明丹道也易道之要不外一陰一陽丹道之用亦不外一陰一陽一陰一陽合而成易大道在其中矣參者參伍之參同者合同之同契者相契之契書中分上中下三篇篇中分御政養性伏食三家必參互三家使大易性情黃老養性爐火之事合同為一方與盡性至命之大道相契舉一端則三者全具其中以末卷三相類宗旨校勘即了然矣

道藏輯要

參同契
闡幽

壹

虛集一

上篇

上卷言御政共計五章乃上篇之上也

此卷專言御政而養性伏食已寓其中蓋所謂御政者陳乾坤坎離之法象隱然具君臣上下之規模君主無為臣主有為即養性伏食兩道之所取則也故末篇又稱大易情性

乾坤門戶章第一

乾坤者易之門戶眾卦之父母坎離匡廓運轂正軸牝牡四卦以爲橐籥覆冒陰陽之道猶工御者準繩墨執銜轡正規矩隨軌轍處中以制外數在律歷紀月節有五六經緯奉日使兼并為六十剛柔有表裏朔旦屯直事至暮蒙當受晝夜各一卦用之依次序既未至晦爽終則復更始日月為期度動靜有早晚